

ԵՊՀ ԻՄ Տնտեսագիտության ֆակուլտետի գիտխորհրդի նիստի

06. 07. 2024 թ.

ք. Բջևան

Առջանց կազմակերպած նիստին մասնակցում են գիտական խորհրդի նախագահ Ա. Մարգարյանը, քարտուղար Ա. Ալեքսանյանը, Գ. Սիրոյանը, Գ. Հովհաննիսյանը, Թ. Վարդանյանը, Ա. Պոտոսյանը, Ա. Մուրադյանը, Ա. Սարիբեկյանը, Ա. Ուլիխանյանը, Պ. Ասլիբեկյանը, Գ. Ավետիսյանը, Դ. Աֆյանը, ֆակուլտետի ՈԻԽ-ի նախագահ Ս. Վարդապետյանը, ՈԻԳ նախագահ Թ. Զանվելյանը, Զ. Հարությունյանը:

Նիստի օրակարգը ներկայացրեց Ա. Մարգարյանը:

ՕՐԱԿԱՐԳ

1. Ֆակուլտետի մասնագիտական ամբիոնների 2024-2025 ուստարվա անհատական բեռնվածությունների ներկայացման և քննարկման մասին(զեկ. Գ. Սիրոյան, Գ. Հովհաննիսյան):
2. Տնտեսագիտության ֆակուլտետի դեկանի հաշվետվություն(զեկ. Ա. Մարգարյան):

1. Լսեցին.- Ֆակուլտետի մասնագիտական ամբիոնների 2024-2025 ուստարվա անհատական բեռնվածությունների ներկայացման և քննարկման մասին /զեկ. Գ. Սիրոյան, Գ. Հովհաննիսյան/:

Գ. Սիրոյանը և Գ. Հովհաննիսյանը հայտնեցին, որ մասնագիտական ամբիոններում կատարվել են 2024-2025 ուստարվա աշխատանքային ուսումնական պլանով նախատեսված դասընթացների բաշխումը: Առաջիկայում կիրականացվի նաև ավարտական աշխատանքների բաշխումը: Ամբիոնների պրոֆեսորադասախոսական անձնակազմի անդամները իրազեկվել են 2024- 2025 ուստարվա իրենց անհատական բեռնվածության մասին:

Զեկուցողները մասնավորապես տեղեկացրին, որ անհատական բեռնվածությունները տրամադրվել են ամբիոնների դասախոսներին: Վերջիններս պետք է մինչև սթ. օգոստոսի 31-ը ամբիոններ ներկայացնեն աշնանային կիսամյակում իրենց դասավանդելիք դասընթացների ծրագրերը, ինչպես նաև Moodle հարթակում տեղադրեն այդ դասընթացներին վերաբերող բոլոր նյութերը:

Գ. Հովհաննիսյանի խոսքով՝ անհատական բեռնվածությունը սահմանելիս առաջնորդվել են նախորդ ուստարվա բաշխվածությամբ:

Ղեկավարվելով ԵՊՀ հիմնադրամի ԻՄ-ի Տնտեսագիտության ֆակուլտետի կանոնադրության 24.10 կետով Տնտեսագիտության ֆակուլտետի գիտական խորհուրդը որոշեց.

Որոշեցին.- 2024-2025 ուստարվա Ընդհանուր տնտեսագիտության և Տուրիզմի կառավարման և մշակութաբանության ամբիոնների անհատական բեռնվածությունների մասին հաղորդումն ընդունել ի գիտություն:

2. Լսեցին.- Տնտեսագիտության ֆակուլտետի դեկանի հաշվետվություն(զեկ. Ա. Մարգարյան):

Ներկայացնելով ֆակուլտետի 2023-2024 ուստարվա հաշվետվությունը՝ Ա. Մարգարյանը հայտնեց, որ ֆակուլտետի գործունեության համար հիմք են ծառայել ԵՊՀ ԻՄ ռազմավարական ծրագիրը, կանոնադրությունը և Տնտեսագիտության ֆակուլտետի 2023-2024 ուստարվա աշխատանքային պլանը: Ֆակուլտետում գործում են մասնագիտական երկու ամբիոններ՝ Ընդհանուր տնտեսագիտության, Տուրիզմի կառավարման և մշակութաբանության, որոնք իրականացնում են երեք կրթական ծրագիր: Ֆակուլտետում դասավանդող պրոֆեսորադասախոսական անձնակազմի թիվը 34 է, որից 4-ը՝ պրոֆեսոր, 7-ը՝ դոցենտ, 13-ը՝ ասիստենտ, 10-ը՝ դասախոս:

Ուսումնական տարվա ընթացքում կազմակերպվել են սեմինարներ, դասախոսների շրջանում խորհրդակցություններ և քննարկումներ «Moodle» էլեկտրոնային հարթակի լիարժեք օգտագործման և դասընթացների որակի ապահովման մեխանիզմների վերաբերյալ՝ զարգացնելով մանկավարժական առաջավոր փորձի խրախուսման և տարածման մեխանիզմները, նպաստելով ուսուցման ժամանակակից մեթոդների և տեխնոլոգիաների ներդրմանը: Ֆակուլտետում արդյունավետ գործում է կրթական ծրագրերի («Ֆինանսներ ըստ ոլորտի», «Զբոսաշրջություն» բակալավրի և «Գործարար վարչարարություն» մագիստրատուրայի) դեկավարների ինստիտուտը: Գործող երկու կրթական ծրագրերի մասնագիտական ամբիոններում իրականացվել է ՀԲ-ով կրթական դասընթացների վերլուծություն: Ընթացիկ տարում վերանայվել է ֆակուլտետի «Ֆինանսներ» և «Զբոսաշրջություն» ԿԾ-երում դասավանդվող դասընթացների բովանդակությունները: Դասախոսները և ԿԾ պատասխանատուները հանդիպումներ են կազմակերպել ուսանողների հետ և քննարկել նրանց կողից բարձարացված առաջարկությունները: ԿԾ-ի դեկավարի կողմից ուսումնասիրվել է գործող ԿԾ վերջնարդյունքների կապը համապատասխան դասընթացների վերջնարդյունքների և գնահատման մեթոդների հետ: Վերանայվել է դասավանդվող դասընթացներից յուրաքանչյուրի համար մշակված գնահատման մեթոդները և չափանիշները՝ համապատասխանեցնելով դասընթացի կրթական վերջնարդյունքների վրա հիմնված գնահատման մեթոդներին:

Հաստատված կարգի համապատասխան՝ ֆակուլտետում իրականացվել է գործող կրթական ծրագրերի վերանայման գործընթաց: Ձևավորվել են աշխատանքային խմբեր, հաստատվել են աշխատանքների կատարման ժամանակացույցերը և սահմանված ժամկետներում ԿԲԴՎ բաժին են ներկայացվել վերանայված ԿԾ-երը: Ակադեմիական ազնվությունն ապահովելու նպատակով՝ ավարտական աշխատանքների գրագողությունը կանխելու նպատակով, իրականացվել են քննարկումներ ուսանողների հետ, ներկայացվել է համապատասխան կարգը: Բոլոր դասընթացների /հետազոտական բաղ. և առանց հետազ. բաղադրիչի/ շրջանակում ուսանողների համար կազմվել են անհատական և խմբային առաջադրանքներ: Ներկայացվել են ավարտական աշխատանքների արդիական, պարտադիր հետազոտական բաղադրիչով, չկրկնվող թեմաներ: Ավարտական աշխատանքի կարևոր բաղադրիչ է դարձել ուսանողների կողմից լրացվող ակադեմիական ազնվության մասին հայտարարությունը: Գործընթացները կազմակերպվել են գործող կարգերին համապատասխան, «Ֆինանսներ /ըստ ոլորտի/» կրթական ծրագիրը իրականացվում է ԿԲ Դիլիջանի ուսումնահետազոտական կենտրոնի հետ համատեղ: Ուսանողների համար կազմակերպվել են այցեր նշված կենտրոն՝ սեմինար-քննարկումներին, դասախոսություններին և կոնֆերանսներին մասնակցելու նպատակով: Հաշվետու տարում ֆակուլտետում առաջին անգամ իրականացվել է «Կառավարում» մասնագիտության «Գործարար վարչարարություն» մագիստրոսական կրթական ծրագրով ընդունելություն, որն ղիմել են 15 և ընդունվել 13 ուսանող:

Վերապատրաստման դասընթացների արդյունքում, ֆակուլտետի դասախոսների գերակշիռ մասը կարողանում է ստեղծել էլեկտրոնային ռեսուրսներ և օգտագործել դասավանդման ընթացքում:

Ա. Մարգարյանը նշեց, որ Տնտեսագիտության ֆակուլտետում 2023-2024 ուստարում առաջին կիսամյակում առկա համակարգում բակալավրի ուսանողների թիվը կազմել է 152, որից 33-ը՝ անվճար, 27 ուսանող ստացել է պետական, 3 ուսանող՝ անվանական կրթաթոշակ: Իսկ երկրորդ կիսամյակում ուսանողների թիվը կազմել է 148, որից 33-ը՝ անվճար: 29 ուսանող ստացել է պետական կրթաթոշակ, 2-ը՝ անվանական:

Հեռակա ուսուցման համակարգում I կիսամյակում ուսանողների թիվը կազմել է 210, իսկ II կիսամյակն 211: Մագիստրատուրայում I կիսամյակ 13, իսկ II կիսամյակ 12 ուսանող:

Ա. Մարգարյանը նշեց, որ 2023-2024 ուստարում ֆակուլտետի ընթացիկ աշխատանքները արդյունավետ կազմակերպելու համար սահմանված ժամկետներում պլանավորվել և իրականացվել են հետևյալ ընթացիկ գործընթացները.

-կազմվել են դասացուցակները, անհրաժեշտ ժամանակացույցերը,

-ամբիոնները ապահովել են պրակտիկաների ծրագրերի, ավարտական աշխատանքների ցանկը և դրանց իրականացման ընթացակարգերը,

-ամբիոնային ուսումնական բեռնվածության հիման վրա ամբիոնը իրականացվել է 2024-2025 ուստարվա համար անհատական բեռնվածության նախնական բաշխում և I կիսամյակի դասատախտակները:

Ղեկավարվելով ԵՊՀ հիմնադրամի ԻՄ-ի Տնտեսագիտության ֆակուլտետի կանոնադրության 24.4 կետով՝ Տնտեսագիտության ֆակուլտետի գիտական խորհուրդը որոշեց.

Որոշեցին. -Հավանություն տալ տնտեսագիտության ֆակուլտետի աշխատանքային պլանով 2023-2024 ուստարում նախատեսված գործողությունների վերաբերյալ դեկանի հաշվետվությունը: Տնտեսագիտության ֆակուլտետի դեկանի 2023-2024 ուստարվա գործունեությունը գնահատել բավարար:

Գիտական խորհրդի նախագահ՝
Քարտուղար՝

Ա. Մարգարյան
Ա. Ալեքսանյան